



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

ք. Երևան-0015, Մ. Խորենացու 3, 7

25.05.2023թ

Որոշում թիվ 000192/21

Վարչական իրավախախտման վերաբերյալ գործով վարույթը կարճելու վերաբերյալ

ՀՀ պետական եկամուտների կոմիտեի նախագահի տեղակալ Արթուր Մանուկյանս՝ քննելով 26.04.2023 թվականի «Հարկային պարտավորությունների հաշվարկումն անհնարին դառնալու վերաբերյալ» թիվ 3007028 արձանագրության հիման վրա հարուցված վարչական վարույթի նյութերը՝

Պարզեցի

ՀՀ ՊԵԿ նախագահի 27.03.2023թ-ի թիվ 3007028 հանձնարարագրի համաձայն «ԽԱԶ ՊՐՈ» ՍՊ ընկերության (ՀՎՀՀ՝ 04438365) մոտ հանձնարարվել է իրականացնել համալիր հարկային ստուգում:

ՀՀ ՊԵԿ նախագահի 27.03.2023թ-ի թիվ 3007028 հանձնարարագրում ընդգրկված հարկային ծառայողների կողմից 26.04.2023թ-ին կազմվել է «Հարկային պարտավորությունների հաշվարկումն անհնարին դառնալու վերաբերյալ» թիվ 3007028 արձանագրությունը:

Համաձայն նշված արձանագրության՝ ստուգում իրականացնող պաշտոնատար անձանց կողմից ՀՀ ՊԵԿ նախագահի 27.03.2023թ-ի թիվ 3007028 հանձնարարագիրը, ինչպես նաև ՀՀ քննչական կոմիտեի Արմավիրի մարզային քննչական վարչության Վաղարշապատի քննչական բաժնի պետի տեղակալ Գ. Գաբիելյանի «Համալիր հարկային ստուգում նշանակելու մասին» 10.04.2023թ.-ի որոշումը ստուգումների կազմակերպման էլեկտրոնային համակարգի միջոցով ներկայացվել է հարկ վճարողի գործադիր մարմնի ղեկավարին: Այնուհետև 20.04.2023թ.-ին խեռախոսակապի միջոցով հարկ վճարողի պաշտոնատար անձին տեղեկացվել է ստուգումը փաստացի սկսելու անհրաժեշտության մասին և ՀՀ հարկային օրենսգրքի 33-րդ հոդվածի 1-ին մասի 8-րդ կետի համաձայն հարկային հսկողության իրականացման համար աշխատանքային պայմաններ ապահովելու, այդ թվում՝ այդ թվում պաշտոնատար անձանց տրամադրել հարկի կամ վճարի հաշվարկման և վճարման համար անհրաժեշտ փաստաթղթերը, տվյալները և այլ տեղեկությունները, դրանց լուսապատճենները կամ կրկնօրինակները, որի կատարումը վերջինիս կողմից մերժվել է:

Միաժամանակ հարցում է կատարվել սահմանային էլեկտրոնային կառավարման տեղեկատվական համակարգ, որի կողմից ստացված տվյալների համաձայն ընկերության տնօրեն Խաչիկ Մնացականի Ներսիսյանը գտնվում է Հայաստանի Հանրապետությունում:

Վերը նշվածի հետևանքով անհնարին է դարձել ստուգման միջոցով հարկային պարտավորությունների հաշվարկման իրականացումը:

«ԽԱՉ ՊՐՈ» ՍՊ ընկերության տնօրեն Խաչիկ Մնացականի Ներսիսյանի (<ԾՀ՝ 1911580124, հասցե՝ Արմավիրի մարզ, Տանձուտ 7 փ. 102. բն. 1) կողմից վերը նկարագրված արարքների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 182.6-րդ հոդվածով:

Փաստի կապակցությամբ հարուցվել է վարչական վարույթ և «ԽԱՉ ՊՐՈ» ՍՊ ընկերության տնօրեն Խաչիկ Ներսիսյանին 28.04.2023 թվականին փոստային ծառայության միջոցով ուղարկվել է ծանուցագիր (Արմավիրի մարզ, Տանձուտ 7 փ. 102. բն. 1 հասցեով) 19.05.2023 թվականին կայանալիք վարչական վարույթի նյութերի նախապատրաստմանը, և արձանագրության կազմմանը մասնակցելու վերաբերյալ, սակայն 06.05.2023թ-ին ծրարը վերադարձվել է «չի պահանջվել» նշագրումով, այնուհետև 11.05.2023թ.-ին կրկին ծանուցագիր է ուղարկվել վերոնշյալ հասցեով, սակայն 25.05.2023 թվականի դրությամբ ուղարկված ծրարի ստացման փաստը հավաստող ապացույց առկա չէ, իսկ «Հարկատու 3» տեղեկատվական բազայում այլ հասցե, որով հնարավոր կլինի ապահովել վարույթի վերաբերյալ ծանուցումը, առկա չէ:

Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված պատասխանատվության միջոցի կիրառումը հնարավոր է հետևյալ գործողություններից որևէ մեկի դեպքում.

1) հարկային հսկողություն իրականացնող պաշտոնատար անձի օրինական պահանջները չկատարելու,

2) տնտեսավարող սուբյեկտի՝ հարկային հսկողություն իրականացվող տարածք նրա մուտք գործելն արգելելու,

3) հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ նրան չտրամադրելու,

4) օրենքով սահմանված կարգով իրականացվող հարկային հսկողության ընթացքին այլ կերպ խոչընդոտելու համար:

Պետք է նշել նաև, որ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի կիրառման համար անհրաժեշտ պայման է հանդիսանում այն, որ վերոհիշյալ արարքներից թեկուզ մեկը կատարվի փաստացի իրականացվող հարկային հսկողության ընթացքում, և խոչընդոտ հանդիսանա նշված հարկային հսկողության հետագա ընթացքն ապահովելու համար:

Տվյալ դեպքում վարույթն իրականացնող մարմինը հարկ է համարում նշել, որ 26.04.2023 թվականի «Հարկային պարտավորությունների հաշվարկումն անհնարին դառնալու վերաբերյալ» թիվ 3007028 արձանագրության կազմման համար փաստական հիմք է հանդիսացել ընկերության տնօրենի ստուգումն իրականացնող անձանց ստուգման

հանձնարարագրով հարկային հսկողության իրականացման համար աշխատանքային պայմաններ չապահովելը՝ այդ թվում պաշտոնատար անձանց հարկի կամ վճարի հաշվարկման և վճարման համար անհրաժեշտ փաստաթղթերը չտրամադրելը:

Վարույթն իրականացնող մարմինը հարկ է համարում նշել, որ չնայած այն հանգամանքին, որ ստուգման հանձնարարագիրը սահմանված կարգով տեղադրվել է անձնական գրասենյակ, որպիսի պայմաններում հարկ վճարողը համարվում է իրազեկված իրականացվելիք ստուգման վերաբերյալ, այնուամենայնիվ, ստուգումը փաստացի սկսված չի եղել, ուստի Խաչիկ Ներսիսյանը փաստացի չէր կարող խոչընդոտել ստուգման ընթացքին:

Ելնելով վերոգրյալից՝ վարույթն իրականացնողը փաստում է, որ չի հիմնավորվում ստուգմանը խոչընդոտելու փաստը, հետևաբար «ԽԱԶ ՊՐՈ» ՍՊ ընկերության տնօրեն Խաչիկ Ներսիսյանի նկատմամբ պատասխանատվություն կիրառելու հիմքերն, ըստ էության, բացակայում են, հաշվի առնելով նաև այն հանգամանքը, որ հանձնարարագիրը 12.05.2023թ.-ի թիվ Ս-2295-Ա հրամանի համաձայն հանվել է հաշվառումից, ինչպես նաև այն, որ սույն վարույթի վերաբերյալ Խաչիկ Ներսիսյանին հնարավոր չի եղել իրազեկել:

Հիմք ընդունելով ամբողջ վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 244¹⁴, 247-րդ հոդվածի 1-ին մասի 1-ին կետով, 281 հոդվածներով, 282 հոդվածի 2-րդ կետով՝

ՈՐՈՇԵՑԻ

«ԽԱԶ ՊՐՈ» ՍՊ ընկերության տնօրեն Խաչիկ Ներսիսյանի վերաբերյալ իրականացվող թիվ 192 վարչական վարույթը կարճել:



ԱՐԴԱՐԱԴԱՆՈՒԿԱՆ